

vnser parrechte syt mede frouwen vnd gebrauchen/ eyne ytlyke
persone/ eynē suluer grossen /alle tydt vp eyne quateremper
vñ veerdel jares/dre nye penningē/alse dē veerdē deel des sul
ner grossen jarlykē to hulpe recken/welkō: ein ytlick huswerd
edē huswerd ynne flytich ynbringen/ vnd forder den teyn vor
stenderē vp eyn ytlick veerdel jares ouerantwordē schal/ vnd
eyne yngeparrede vorsamlynge wyllē vnd scholē syt ytzunt vñ
tokomende/ sulcker jerlyken geringē tolage vnd hulpe/ to der
ere goddes/ vnd leue des euen Christen mynschē nicht beswes
ren/ yn betrachtunge dat hyr vor eyne lange ewyge tydt beyde
de wonhaffrige vnde nycht wonhafftyge durch vnse ghemene
Parrhe/ myt ouermetyger vndrechtlyker besweringe vñ affs
toch/ yn mannygerleye wyse vnd lysten/ abne vnderlat durch
dat ganze jar ouerladē vnd vth gesogen/ welkō: dyngē ytzunt
durch de gnade godes/ wedderome yn ware fryheit des christ
lyken geystes/ gewandt vñ komē syn/ vnd eynē ytlykē Christē
myt hogestem flyte to vorwarē/ sulcke Christlyke fryheyt tho
bedeckinge des schentlyken gytzes/ nicht myssebrucken.

Dre mall ym jare gemene vorsam lynge tho holden.

Dre mall ym jare/alse Nömlick/ dē Sondach na dē achte
dage d hyllygē dre konnige/ dē Sondach na Sanct. Vibanus
dage vnd dē Sondach na Sanct Michaelis dage wyllen vnd
scholen eyne ganze gemene yngeparrede vorsamlinge vñme
elffhōra/ vp dē Radtbusse to hope komen vnd tho dem weni
gesten wēte vñe twe hōra/ na myddage aldar harren/erstlick
dusse vnse broderlyke vorenynge/ opentlick vorlesen vñ ans
hōren/ vth vnderricht vnser teyn vorordentē vorstender/ myt
vorlegginge öhrer handel vnd rekenböcker/ vnd sust vth vnser
aller gemenen bedencken / de vorwesinge ynnhame vnd vth
gaue vnser gemenen kassen/ vnde sust allenthallen/ de nor
torfft vnde beqwemichēyt/ thoberatslagē/ ock durch de gnade